

TAIALA TOMUA MO


TAMAITI MA LE AUTALAVOU

O LE EKALESIA A IESU KERISO O LE AU PAIA O ASO E GATA AI



FAAALIGA

Ina ia faamalosia lou faatuatua ia Iesu Keriso ma fesoasoani ia te oe ma lou aiga ia agai i luma i le ala o feagaiga ao tou fetalai ai ma luitau o le olaga.



Saili le Faaaliga

E mafai ona e aoao ai mo oe lava—i le taimi nei lava i lou matua—le ala e maua ai faaaliga patino. Ma e leai se mea o le a faia se eseese tele i lou olaga nai lo lena!

—**PERESITENE RUSSELL M. NELSON**

“Faamoemoe o Isaraelu,” faigalotu a le autalavou i le lalolagi atoa, 3 Iuni, 2018, faopoopoga i le *New Era* ma le *Ensign*, 2, ChurchofJesusChrist.org



Fausia ni Sootaga

Tatou te taufai manaomia uma lava ni uo moni e alolofa ia te i tatou, e faalogo mai ia i tatou, e faasino mai ia i tatou le ala, ma molimau mai ia i tatou i le upumoni, ina ia mafai ai ona tatou faatumauina le mafutaga ma le Agaga Paia. E tatau ona avea oe o sea ituaiga o uo moni.

—**PERESITENE HENRY B. EYRING**

“O Uo Moni,” *Liahona*, Iulai 2002, 29



Faaoga le Faitalia

E faaleoina e manao ia mea tatou te faamuamua, e fatuina e mea e faamuamua a tatou filifiliga, ma o filifiliga e iloa ai a tatou amioga. O manao tatou te faatinoina e iloa ai lo tatou suiga, o mea ua tatou ausia ma tagata e avea ai i tatou.

—**PERESITENE DALLIN H. OAKS**

“Manao,” *Ensign* po o le *Liahona*, Me 2011, 42



MULIMULI I LE FAAOLA I VAEGA UMA O LOU OLAGA

E finagalo le Tama Faalelagi e te aoao ma ia tuputupu ae. Na la auina mai Lona Alo, o Iesu Keriso, e avea ma faaitaiga tonu mo i tatou uma i soo se auala. Ua aoao mai i tusitusiga paia i Lona talavou, na “tupu le poto ma le tino [o Iesu], ua alofagia o ia e le Atua atoa ma tagata” (Luka 2:52).

Na tuputupu ae Iesu Keriso i vaega uma o Lona soifuaga—**faaleagaga** (ua alofagia e le Atua), **faaleagafesootai** (ua alofagia e tagata), **faaletino** (i la le tino), ma le **faaleatamai** (poto) —ma e mafai foi e oe!



O a mea ua uma ona e faia i nei vaega?

Amata ona mafau fau e uiga i mea e te manao e faaleleia pe amata ona faia.

Tusi ni ou manatu i totonu o pusa nei.

FAALEAGAGA

FAALEAGAFESOOTAI

FAALETINO


FAALEATAMAI

FAAAUAU PEA ONA AGAI I LUMA

O le a lagolagoina oe i au taumafaiga e mulimuli ia Keriso ao e tuputupu ae i nei vaega e fa e ala i le **aoaina o le talalelei**, auauna atu ma gaoioiga, ma le **atinae faaletagata lava ia**.

Aoaina o le Talalelei

O le aoaina o le talalelei i le fale ma le ekalesia e avatua ia te oe se faavae faaleagaga mo mea uma i lou olaga. A o e faaaogaina mea na e susesueina, atonu o le a e iloa ai ni auala e mafai ona e mulimuli ai ia Iesu Keriso faaletagata lava ia, ma lou aiga, pe ma lau vaega po o korama.





Auaunaga ma Gaoioiga

A o e auai i le auaunaga ma gaoioiga, e mafai ona e maua le fiafia ma lou aiga, uo, ma taitai ao e aoaoina ni tomai, maua ni aafiaga fou, ma auauna atu i isi. E mafai foi ona e auauna atu e ala i le auai i sauniga paia. O le auunaga ma gaoioiga ua faavae lea i le Luka 2:52 ma e aofia ai ni gaoioiga faalevaiaso faapea foi ma gaoioiga o aso e tele mo le autalavou, e pei o tolauapiga, malaga i malumalu, ma Mo le Malosi o le Autalavou (FSY) ma konafesi a le autalavou.



Atinae Faaletagata Lava Ia

E mafai ona e mulimuli ia Iesu Keriso i lau atinaega faaletagata lava ia ao e sailia le faaaliga mo le auala e mafai ona e tuputupu ae ai i vaega uma o lou olaga. E mafai ona e filifili po o le a le mea e te galue ai ma e mafai ona maua e le fesoasoani mai le aiga, uo, ma taitai.

O LE A LE MEA E SOSOO AI?

Amata le Talanoaga

Talanoa ma ou matua ma taitai e uiga i le auala o loo e tuputupu ae ai i vaega ma mea e fa e mafai ona e faia e atiina ae ai faaletagata lava ia. I le avea ai ma se korama po o se vasega, talanoa e uiga i gaioiga e te manao e fai o se vaega i le tausaga a sau.



O LE EKALLESIA A
IESU KERISO
O LE AU PAIA O ASO
E GATA AI